



SUMÁRIU EZEKUTIVU

AVALIASAUN IMPAKTU SÓSIO-EKONÓMIKU HUSI COVID-19 IHA TIMOR-LESTE

NASOINS UNIDAS IHA TIMOR-LESTE, 2020



Research Team

Dolgion Aldar (UNDP SEIA and Livelihoods Consultant), Noelle Poulson (UNDP MSME Consultant), Ricardo Santos (UNDP Social Protection Consultant), Frank Eelens (UNFPA Sampling and Data Analysis Consultant), Guido Peraccini (UNFPA Database Consultant), Carol Boender (UN Women Gender Consultant), Nicholas McTurk (UNFPA), Sunita Caminha (UN Women), Scott Whoolery (UNICEF), Munkhtuya Altangerel (UNDP) and Ronny Lindstrom (UNFPA).

Acknowledgements

This Socio-Economic Impact Assessment of COVID-19 in Timor-Leste was led by UNDP and conducted in collaboration with UNFPA, UN Women and UNICEF. This study benefited from comments and feedback from all UN agencies in Timor-Leste including FAO (Solal Lehec, who provided valuable inputs to the sections related to food security in this report), ILO, IOM, WFP, WHO, the UN Human Rights Adviser Unit and UN Volunteers. SEIA team expresses its gratitude to the UN Resident Coordinator, Roy Trivedy, and the entire UN Country Team in Timor-Leste for providing overall guidance and support.

We would like to sincerely thank all of the community members in Baucau, Bobonaro, Dili, Oecusse and Viqueque who participated in the SEIA questionnaires and interviews for being open and willing to share their stories and experiences for the development of this report. We would also like to thank the numerous individuals in government offices, institutions and organizations around the country who shared their time, expertise and insights to strengthen our understanding of the broader socio-economic context of Timor-Leste.

Government of Timor-Leste

The General Directorate of Statistics was the main government partner for the SEIA. The team gave generous support in providing tablets for data collection and with base maps of the sampled Aldeias. The Ministry of State Administration supported the data collection process by establishing contacts with local leaders and government officials. We are grateful for all the xefe aldeais and xefe sucos for their support in locating the sampled households and helping our field teams in all the fieldwork aspects of their work.

Data Collection Team

Eurico da Costa, Marcelo Soares, Elesito Guterres Belo, Júlia Sarmento Belo, Inacia Clarinha Vicsis Pereira Teme, Silvério dos Santos Correia, Eva Borges Pereira, Irene Fernandes dos Santos, Jose Raul da Silva, Rosalia Elvi M. J. Trindade, Juleysia Sarmento, Mozinho Maniquin Cofan, Cyrilio Hermenegildo Da Costa and Domalia Glorita Pereira.

In addition, UNDP staff Lazima Onta Bhatta, Patricia Porras, Devindranauth Bissoon, Jose Nunes, Emilio Vicente, Roni Tpoi, Mario Benevides, Domingas Ferreira, Auxiliadora dos Santos, Sonia Mehzabeen, Alvaro Noronha and Rui Ximenes provided invaluable support throughout SEIA exercise.

Translators

Inacio da Silva Fronseca and Hector Hill

ANTESEDÉNSIA

COVID-19 nu'udár pandemia globál ida ne'ebé ezije kontramedida sira iha grau ka nível oioin hodi evita virus ne'e habelar liután. Hodi responde ba ameesa husi COVID-19 nian, Parlamentu Nasionál Timor-Leste autoriza Prezidente Repúblika atu deklara Estadu Emerjénsia (EE). Dekretu Governu Nú. 3/2020 define kona-ba medida sira hodi implementa Deklarasaun ida-ne'e, ne'ebé aprova husi Konsellu Ministrus iha loron 28 Marsu 2020, ne'ebé ramata iha loron 26 Juñu 2020. Hodi nune'e, Governu Timor-Leste (GoTL) impoin medida oioin hanesan restrisaun ba viajen iha rai-laran no internasionál nian, taka eskola sira no distansiamentu fíziku.¹

To'o ohin loron (fulan Agostu 2020 nia rohan), Timor-Leste relativamente kontén ona kazu sira COVID-19 nian ho dí'ak ne'ebé ho kazu pozitivu 26, laiha transmisaun lokál ne'ebé identifikadu no laiha ema mate tanba COVID-19. Medidas kontensaun rápida ne'ebé Governu TL foti no nasaun ne'e nia izolamentu jeográfiku relativu kontribui ona hodi mantén nível kí'ik husi kazu sira-ne'e. Nu entantu, nasaun ne'e ninia dependénsia ba produsaun agríkola, nível aas husi pobreza multi-dimensionál ne'ebé persistente, dezempregu no malnutrisaun krónika, infraestrutura bázika ne'ebé menus, dependénsia ba esportasaun, no asesu ne'ebé lahanesan ba servisu esensiál sira-ne'e signifika katak impaktu sósio-ekonómiku kontínua husi pandemia COVID-19 nian bele sai grave liután. Tuir Nasoins Unidas (ONU), pandemia ne'e hamosu risku sira 'hodi direktamente reverte konkista ne'ebé sira hetan ho esforsu maka'as ne'e ba Objetivu Dezenvolvimentu Sustentável (ODS sira), no fó impaktu maka'as tebes ba infraestrutura no servisu sira ne'ebé iha nanis ona'.²

Atu kompriende dí'ak kona-ba estensaun husi impaktu krize COVID-19 nian ba grupu vulnerável sira, umakain sira ne'ebé kbiit-laek, no mós empreza mikro, kí'ik no médiu (EMKM), sistema Nasoins Unidas nian iha Timor-Leste realiza Avaliasaun Rápida ba Impaktu Sósio-Ekonómiku (SEIA). Avaliasaun ida-ne'e observa mudansa sira iha meius subsisténcia, empregu, seguransa ai-han, atendimentu saúde, edukasaun no servisu báziku sira seluk, inklui protesau sosial no igualdade jéneru ba ema individuál sira, nune'e mós mudansa sira iha oferta, demanda, rendimentu no empregu ba EMKM sira nu'udar rezultadu ida husi medidas ne'ebé Governu TL implementa. Rekolla mós informasaun kona-ba dezafiu boboot sira ne'ebé ajénsias governamentál no mós organizaun naun-governamentál oioin sira enfrenta no sira-nia respostas. The assessment can be used for informing sósio-ekonómiku response and recovery programmes in Timor-Leste.

METODOLOJIA

Koleta dadus ba SEIA ne'e kobre periodu entre loron 22 Juñu no 14 Jullu 2020 iha munisípiu sira hanesan Baucau, Bobonaro, Dili, no Viqueque no Rejiaun Administrativa Espesiál Oecusse (Oecusse). SEIA ne'e uza abordajen ho métodu ne'ebé kahur-malu:

- Ba levantamentu umakain nian, suku 13 mak selesionadu bazeia ba kritériu jeográfiku, status sósio-ekonómiku no asesibilidade ba servisu saúde nian. Tuirmai uza amostra

¹ Dekretu Governu Nú. 3/2020 loron 28 Marsu – Medidas Ezekusaun ba Deklarasaun Estadu Emerjénsia Efetuada husi Dekretu Prezidente Repúblika Nú. 29/2020, loron 27 Marsu

² Nasoens Unidas. Juñu 2020. Rezumu #2: Tau Kuadru ONU nian ba Resposta Sósio-Ekonómiku hasoru COVID-19 nian Ba iha Asaun: Insights, p.3

aleatória estratifikada ho faze rua. **Entrevista direta iha terrenu ho uma-kain 419 (depoizde ponderasaun ba uma-kain 437)** (ho membru nain 2,575 depoizde ponderasaun ba 2834) **(husi ida-ne'e 18% mak xefia husi feto)** realiza através métodu CAPI (entrevista pesoál ho assisténsia komputadór). Tenke nota, katak rezultadu sira-ne'e la'ós nasionalmente representativu no bele jeneralizada de'it iha nível suku sira ne'ebé sai amostra. Tanba uma-kain sira iha amostra ne'e iha probabilidades ba selesaun ne'ebé lahanesan, ponderasaun normalizada nian ne'e kalkula bazeia ba probabilidade reversa husi selesaun ba uma-kain ida-idak. Informasaun hotu-hotu ne'ebé apresenta iha relatóriu ida-ne'e bazeia ba rezultadus estatístiku ponderadu.

- Ba levantamentou EMKM nian, total iha **EMKM 99** husi indústrria diferente 15 inklui agrikultura, turizmu no konstrusaun nian mak entrevistadu uza métodu CAPI. Resposta sira refleta mane sira-nia domíniu iha EMKM, ho empreza-na'in sira mak responde ba kestionáriu EMKM (mane 71% no feto 29%) no mane barakliu kompara ho feto sira mak partisipa iha KII sira (mane 83%, feto 17%).
- Iha totál hala'o ona **entrevistas ho informadór xave hamutuk 40** husi prestadór servisu sira, autoridades governu, Na'in ba EMKM sira, parseirus dezenvolvimentu no lideransa komunitária sira. Entrevistadu ka respondente sira mai husi sektór oioin – saúde, edukasaun, agrikultura, protesasaun sosiál, administrasaun estatál iha nível nasional no lokál nian, justisa, igualdade jéneru, finanssa no sektór privadu.

SEIA ne'e oin seluk husi estudu sira seluk mak hala'o simultaneamente iha Timor-Leste, liuhusi foku ba pontu sira tuirmai:

- Fó indikasaun ida kona-ba oinsá mak krize COVID-19 nian afeta **uma-kain sira ne'ebé vulnerável no la'ós-vulnerável** bazeia ba karakteristikas membru uma-kain nian relasionadu ho 'marjinalizasaun, dezigualdade no vulnerabilidade sira pré-ezistente'.³ Husi total uma-kain 437 ne'ebé inklui iha estudu ida-ne'e nia laran, porsentu 60.7 (267) mak bele karakterizada nu'udar vulnerável. Porezemplu, iha definisaun ba vulnerabilidades relasionadu ho defisiénsia, husu ona perguntas detalladu⁴ kona-ba membru ida-idak husi uma-kain 2575 ne'e.
- Analiza impaktus diferente husi krize COVID-19 nian tuir **uma-kain sira-nia rikusoin** entre uma-kain sira ne'ebé kbi'it-laek liu (kuintíl ho rikusoin ki'ik liu) no relativamente moris-di'ak (kuintíl ho rikusoin aas liu) nune'e mós identifika diferença sira bazeia ba **jéneru husi xefi-família nian**.
- Kuantifika estensaun husi impaktu COVID-19 nian ba iha aspetu oioin, iha nível individuál no mós uma-kain entre populasaun peskiza nian.
- Fó informasaun atu komprende kona-ba **dezigualdades iha uma-laran nian** iha relasaun ho serbisu uma-laran, rendimentu no no simu subsidiu sira husi governu relasiona ho COVID-19 no mós atu ezamina **dimensaun jéneru husi pandemia ne'e**.
- Ezamina kapasidade resposta husi EMKM sira iha relasaun ho prestasaun servisu, estabilidade husi kadeia suprimentu, mudansa sira iha empregu no inserteza ekonómiku iha aban-bainrua, ne'ebé hamosu ona dezafius iha **prestasaun ba servisu**

³ Nasoens Unidas. Abril 2020. Kuadru ONU nian ba resposta sósio-ekonómiku imediata hasoru COVID-19. Nasoens Unidas

⁴ The Washington Group on Disability Statistics. 23 outubro 2017. The Washington Group nia Rezumu kona-ba Funsionamentu: Espesifikasaun ba Pergunta sira.

esensial sira no mós implementasaun ba medidas COVID-19 nian no sira-nia implikasaun ba programa sira seluk ba rekupersaun nian.

- Kobre suku no aldeia remota sira iha-ne'ebé dados sira ne'ebé rekolla pesoalmente permite atu halo komparasaun entre Dili no munisípiu sira iha li'ur ba Dili no observa potensial **dezigualdade jeográfika** iha medidas ba resposta COVID-19 no impaktu.

REZULTADU PRINSIPÁL SIRA

Estudu ida-ne'e subliña katak krize COVID-19 nian haboot liután ona vulnerabilidades subjacente barak iha rai-laran inklui infrastrutura bázika ne'ebé menus, risku klimátiku sira, asesu limitadu ba servisu sira no orsamentu no impase polítiku ne'ebé la'o hela. Impaktu negativu sira husi COVID-19 nian ba agrikultór ki'ik-oan sira, ema sira ne'ebé hela iha áreas remota no urbana, no EMKM sira-ne'e hetok sai agravadu liután tanba faktór sira kombinadu husi kondisaun klimátika, dezenvolvimentu no governasaun nian. Dezigualdade iha uma-laran nian ne'e kle'an liu, espesifikamente refere ba serbisu tau-matan ba uma-laran ne'eb'e lahetan selu, ho feto sira mak simu todan. Uma-kain sira ne'ebé kbi'it-laek no vulnerável mak hetan impaktu maka'as liu husi krize COVID-19 nian. Husi rezultadu sira, bainhira laiha distribuisaun tuir seksu, deskoberta sira-ne'e lahatudu diferensa boot entre feto no mane sira-nia esperiénsia.

Impaktu sosiál no ekonómiku importante husi COVID-19

Deskoberta prinsipál sira kona-ba impaktu sosiál no ekonómiku husi krize COVID-19 nian ba ema kbiit-laek no grupu vulnerável sira no populasan iha jerál nian mak hanesan tuirmai:

1. **Rendimentu uma-kain nian** – rendimentu sai menus ba maioria ema individuál (ba mane no feto sira hotu), uma-kain no EMKM sira, liuliu ba foinsa'e sira, katuas-ferik sira, uma-kain sira ne'ebé vulnerável no kbiit-laek.
 - a. **Iha redusaun ida maka'as tebes ba número ema sira ne'ebé iha forma rendimentu ruma molok no depoizde EE.** Kuaze porsentu 59 husi ema sira ne'ebé antes ne'e iha rendimentu mak lakon ona sira-nia rendimentu durante período EE nian ne'ebé kobre husi levantamentu ida-ne'e. Nune'e mós, **pelumenus porsentu 81 husi EMKM sira mak informa kona-ba lakon rendimentu iha forma oiain.**
 - b. Persentajen husi uma-kain sira ne'ebé laiha forma rendimentu ruma aumenta konsideravelmente iha período fulan balu nia laran de'it. **Liu metade (56.6%) husi uma-kain hotu-hotu mak sobrevive lahó forma rendimentu ruma** dezde fulan Jullu 2020, kompara ho porsentu 18.3 molok ba EE.
 - c. Entre ema na'in 295 ne'ebé mantén nafatin sira-nia rendimentu durante EE, **porsentu 55 mak informa katak sira-nia rendimentu sai menus ona.**
 - d. **Mane barak liu mak iha rendimentu ida kompara ho feto sira molok ba EE** maibé sira **lakon tiha sira-nia rendimentu maka'as liu** durante EE, no agora número husi feto no mane sira ne'ebé ho rendimentu ne'e hanesan ona.
 - e. Número husi **uma-kain vulnerável sira ne'ebé laiha rendimentu** aumenta ona dala haat (husi uma-kain 46 ba 185). Aumentu ne'e notável ba tipu vulnerabilidade hotu-hotu.
 - f. **'Kioske no negósiu ki'ik' mak nu'udar fonte rendimentu ne'ebé komún liu hotu** molok ba EE no sei hanesan ne'e nafatin, mezmú depoizde EE. **Feto sira**

mak envolve ativa liu iha tipu atividade ekonómika ida-ne'e, no sira-nia knaar durante EE hodi hasoru xoke ekonómiku negativu ne'e importante.

2. **Empregu** - Iha momentu hakerek relatóriu ne'e, SEIA nu'udar estudo ida entre sira balun ne'ebé sukat kona-ba ema nain hira mak lakon sira-nia serbisu ka mudansa saida de'it mak akontese ba ema nia serbisu entre partisipante sira husi estudo ida-ne'e nian. SEIA ne'e hetan **porcentu 22.6 ka pelumenus 1 husi kada uma-kain 4 mak iha ema ida iha sira-nia uma-laran lakon sira-nia serbisu tanba pandemia COVID-19**. Ida-ne'e hatudu vulnerabilidade ne'ebé uma-kain barak hasoru hodi lakon forma rendimentu hotu-hotu bainhira membru uma-kain ida lakon nia serbisu. Uma-kain barak, liuliu sira hirak ne'ebé mak iha rekursu finanseira limitada, laiha kondisaun atu enfrenta lakon iha rendimentu nian ne'e.
 - a. Número ema sira ne'ebé hetan sira-nia **rendimentu primária husi auto-empregu ne'e tun porcentu 85.0**, iha-ne'ebé **mane traballadór independente sira mak hetan impaktu maka'as liu hotu**.
 - b. Besik **porcentu 50 husi ema hotu-hotu ne'ebé empregadu ne'e hasoru ona mudansa ba** sira-nia serbisu tanba krize COVID-19 nian. Mudansa ne'ebé importante liu mak katak **ba porcentu 17 husi ema traballadór ka funsióriu hotu-hotu ne'ebé participa iha levantamentu ida-ne'e, atividade ekonómiku hotu-hotu totalmente paradu. Feto sira hasoru mudansa ida-ne'e dala barak liu** duké mane sira (23.1% versus 12.5% respetivamente).
 - c. Razaun komún ida ba mudansa hirak-ne'e mak 'atividade ne'ebé bandu husi EE' (76.4%) no 'labele ba serbisu tanba bandu atu halo viajen' (53.3%). Hanesan revela husi entrevista ho informadór xave, informasaun kona-ba atividade saida de'it mak EE bandu ona dalaruma laiha klareza ba ma balun, liuliu durante EE dahuluk nian.
 - d. Entre área sira husi levantamentu nian, dezempregu juvenil nian aas tebetebes - **porcentu 12.3 de'it husi ema sira ho idade tinan 15–29 mak serbisu** durante semana molok ba entrevista ne'e. Entre **ema sira ne'ebé ho defisiénsia, porcentu 83.0 mak inativu ekonomikamente**. Iha **feto barak liu duké mane sira mak tama iha kategoria ema sira ne'ebé inativu ekonomikamente** ne'ebé la'ós estudante iha tempu-tomak, **tanba halo serbisu uma-laran no tau-matan ba ema seluk** (17.4% ba feto sira kontra 2.3% husi mane sira).
 - e. Durante COVID-19, impaktu ba empregu nian ne'e sente maka'as liu iha munisípiu sira iha li'ur ba Dili.
3. **Difikuldade prinsipál sira** - Asesu limitadu ba **merkadu no interrupsaun ba transporte públiku** maknu'udar kanál prinsipál sira ne'ebé mak fó dalan ba krize COVID-19 nian **fó impaktu ba uma-kain sira (32.0%) no mós negósiu sira (77%)**. Haktuir ba difikuldades hirak-ne'e, **xoke klimátiku no ambientál nian sira** hanesan udan-boot, inundasaun no bailoron naruk sai prevalente (36.7%), hetok halo difisil liután ba uma kain sira iha li'ur ba Dili atu tahan hasoru xoke iha rendimentu nian ne'e.
 - a. Impaktu husi xoke klimátika no ambientál nian ne'e signifikante, liuliu ba uma-kain sira ne'ebé envolvidu iha produsaun agríkola, husi sira-ne'e **porcentu 86 mak hetan impaktu negativu ida boot ba iha sira-nia produsaun** durante EE. Difikuldade sira komún liu ne'ebé temi ona: plantasaun hetan estragus (31%), lakon sira-nia animál-hakiak tanba moras hanesan Peste Suína Afrikana

- ka Gripe Fahi nian (27.7%), moras ba plantasaun no pragas (26.6%), no udan-been no mós kondisaun klimátika ne'ebé la espera (20.3%).
- b. Difikuldade sira ne'ebé uma-kain sira temi ona ne'e revela fatór agravante sira husi medidas COVID-19 nian ho xoke negativu ezistente relasionadu ho mudansa klimátika.
4. **Serbisu uma-laran no tau-matan ba labarik** - Rezultadu sira hatudu **amentu ida la proporsionál iha fetu sira-nia tempu ne'ebé gasta ba halo serbisu uma-laran kompara ho mane sira nian**: porsentu 34 husi fetu sira kompara ho porsentu 20 porsentu husi mane sira mak indika katak sira gasta tempu barakliu hodi halo atividade ida ka liu husi atividade neen ba serbisu uma-laran nian.
- a. Porsentu ualunulu resin-tolu husi uma-kain sira indika katak iha amentu ba responsabilidade atu tau-matan ba labarik.
 - b. **Maioritariamente (kuaze 80%), inan no membru fetu sira seluk mak identifikadu nu'udar kuidadór prinsipál ba labarik sira durante EE**, ne'ebé fó impaktu ba fetu sira-nia kapasidade atu mantén serbisu ka buka oportunidades ba subsisténsia nian.
 - c. Nune'e mós, bainhira husu kona-ba oinsá respondente sira-nia sentimentu loron ida antes ba entrevista ne'e, fetu barakliu (74%) duké mane sira (56%) ne'ebé informa katak sira sente 'kole' to'o iha pontu balun.
5. **Seguransa ai-han** - Timor-Leste enfrenta nível aas husi inseguransa ai-han nian, iha-ne'ebé to'o porsentu 70 husi nesesidades konsumu ba foos nian ne'e atende liuhusi importasaun. Hanesan hatudu iha rezultadu estudu nian, impaktu husi medida sira atu kontén pandemia COVID-19 nian (liuliu hirak ne'ebé mak fó restrisaun ba ema nia sirkulasaun no transporte ba sasán nian) hetok haboot liután kondisaun pré-ezistente hirak ne'e.
- a. Kuaze **80 porsentu** husi uma-kain sira enfrenta pelumenus tipu difikuldade ida relasionadu ho seguransa ai-han iha fulan ida antes ba entrevista.
 - b. Rezultadu sira hatudu katak **porsentu 37.6 husi uma-kain sira ne'ebé participa mak afetadu husi inseguransa ai-han moderada ka severa**. Ida-ne'e korresponde ho ema ema individuál ne'ebé hela iha uma-kain sira iha-ne'ebé pelumenus membru uma-kain ida, iha tempu balun, forsadu atu hamenus qualidade husi sira-nia hahán, tanba osan ka rekursu sira seluk la suficiente.
 - c. Uma-kain barakliu ne'ebé tama iha kuintíl ho rikusoin ki'ik liu 'tenke kesi kabun la han (21.4% versus 7.9%) no 'hahán laiha' (42.8% versus 22.3%) kompara ho kuintíl sira ne'ebé ho rikusoin aas liu. Aleinde ne'e, entre uma-kain sira ne'ebé 'hahán laiha', porsentu 79.5 mak nu'udar uma-kain sira ne'ebé vulnerável.
6. **Estratéjia enfrentamentu**- Ein jerál, **porsentu 85.5 husi uma-kain hotu-hotu adopta pelumenus forma ida husi estratéjia enfrentamentu nian durante EE** atu proteje sira-nia an husi konsekuénsia ekonómiku husi pandemia ne'e. Ida-ne'e hatudu katak mezmua ema hirak ne'ebé mak la afetadu maka'as entermusde rendimentu no despezas nian jeralmente foti medidas ne'ebé dala barak kontribui hodi halo kontraun ba ekonomia (porezemplu, liu husi hamenus gastus ba sasán sira esensiál no la'ós esensiál nian).
- a. Estratéjia enfrentamentu ne'ebé komún liuhotu mak hodi hamenus gastus esensiál naun-alimentár nian (61.7% husi uma-kain sira) hanesan transporte, saúde, edukasaun, saneamentu no utilidade báziku sira. Ida-ne'e bele prejudika



- ka kompromete uma-kain nia kapasidade iha aban-bainrua atu mantén ninia bein-estár.
- b. **Uma-kain** barakliu **iha munisípiu sira iha li'ur ba Dili, kuintíl ho rikusoin ki'ik liu, uma-kain sira ne'ebé xefia husi feto no uma-kain sira ne'ebé ho traballadór informál ida buka atu adopta estratéjias enfrentamentu.**
 - c. Ba kuaze metade (49%) husi **EMKM** sira ne'ebé entrevistadu, **estratéjia enfrentamentu prinsipál nian mak hodi taka ba tempu ne'ebé indeterminadu** enkuantu sira hein atu iha serteza liután kona-ba situausaun ne'e.
7. **Medidas reziliénsia koletiva** ne'ebé foti ne'e hatudu nível aas husi koezaun sosiál nian atu ultrapasa difikuldade sira. Maioria (96%) husi respondente sira hatudu katak sira sente satisfetunu'udar parte husi comunidade.
- a. Konfiansa iha comunidade laran ne'e aas no tuir maioria husi respondente sira, **konfiansa ne'e 'di'ak liu' (45%) no 'di'ak liután' durante EE (15%).**
 - b. Husi uma-kain 439, **porsentu 47 mak hetan ona ajuda husi** husi li'ur ba sira-nia uma-kain enkuantu **porsentu 27 mak ajuda ona ema seluk** durante EE. porsentu hitunulu resin-rua husi respondente sira mak dehan katak sira simu apoiu husi governu maske atór sira seluk, inklui sektór privadu, kolega no parente sira sei hala'o nafatin knaar ida importante hodi tulun comunidade sira.
 - c. **Tipu apoiu nian sira** ne'ebé komún liuhotu **mak osan, hahán no EPP** (p.e. máskara, materiál sira fase liman no limpeza nian). Ein jerál, kuintíl ho rikusoin aas liu mak simu ona apoiu barakliu entermusde osan, hahán no apoiu emosionál kompara ho kuintíl ho rikusoin ki'ik liu.
 - d. Apezarde obstákulus ne'ebé barbarak, EMKM sira iha Timor-Leste nafatin reziliente no otimista **(71% husi EMKM sira ne'ebé entrevistadu otimista nafatin kona-ba futuru husi sira-nia negósiu, 21% neutru no 8% de'it mak pesimita).**
8. **Impaktu ba EMKM** - Maske iha negósiu balun mak bele fornese sasán no servisu sira ba demandas resposta hasoru COVID-19 (hanesan hirak ne'ebé fa'an EPP), maibé maioria husi negósiu sira mak informa kona-ba impaktus negativu. EMKM sira hatete katak fulan primeiru no segundu husi EE ne'e hamosu impaktu boot liu ba sira-nia negósiu, enkuantu fulan terseiru ne'e alivia tiha tensaun sira balun no permite sira atu hahú funsiona fali, maske ho kapasidade ida limitada.
- a. Maioria husi **EMKM sira ne'ebé entrevistadu (81%) relata lakon iha rendimentu durante COVID-19.** Sira haree ba ida-ne'e nu'udar rezultadu husi impaktu tolu seluk ne'ebé kombinadu: asesu limitadu ba merkadu, interrupsaun iha kadeia suprimentu no mudansa sira iha demanda nian.
 - b. Tanba rendimentu menus, **negósiu barak (26%) mós mak informa kona-ba difikuldade atu selu funsionáriu sira-nia saláriu no koko atu enfrenta ida-ne'e liuhusi hamenus funsionáriu ka traballadór sira-nia oras** ka temporariamente suspende tiha sira-nia kontratu. Empregadór sira espresa preokupasaun maka'as kona-ba sira-nia inkapasidade atu suporta sira-nia funsionárius regulár sira.
 - c. **Feto barakliu mak sira-nia kontratu hakotu (61%, kompara ho 39% mane sira),** rua ne'e hotu nu'udar konjuntu ida husi ema hirak ne'ebé kontratu hakotu, no hanesan proporsaun ida husi feto hotu-hotu ne'ebé empregadu

molok COVID (13% husi feto sira no 3% husi mane sira mak kontratu hakotu liuhusi medida ida-ne'e).

- d. **Interrupsaun iha kadeia suprimentus ba EMKM** - Iha li'ur ba Dili, iha partikulár, EMKM sira haree aumentu ida signifikante iha tempu ne'ebé lori atu simu suprimentu (35% iha li'ur ba Dili, 8% iha Dili). Kuaze untersu husi respondente sira (33%) mak hato'o kona-ba difikuldade atu asesu sasán sira iha rai-laran, dala ida tan iha lakuna ida boot/luan entre iha li'ur ba Dili (25%) no iha Dili (7%).
- e. **Redusaun iha demanda** – porsentu 65 husi negósiu sira iha li'ur ba Dili no porsentu 18 husi negósiu sira iha Dili hato'o kona-ba mudansa negativu iha demanda.

Nesidades ba servisu sira husi comunidade no EMKM sira

Governu TL reaje rapidamente no estabeselese órgaun koordenaun ida dedikada atu responde ba COVID-19 no mantén servisu esensiál sira. Apezarde dezafius orsamentál nian, governu dedika ona fundus atu finansia estímulo ekonómiku, seguransa ai-han, kontinua servisu esensiál sira, no mós sirkulasaun no komérsiu. Knaar husi organizaun internasionál no ONG sira mós notável hanesan revela husi entrevista sira ho informadór xave. SEIA ne'e konklui katak Governu TL nia medidas hasoru COVID-19 nian ne'e jeralmente responsivu ba grupu oioin sira-nia nesidades, maske ema individuál sira ne'ebé enfrenta forma oioin husi vulnerabilidade nian (p.e. feto deficiente sira iha área rural sira, mane sira traballadór informál nian ne'ebé iha kuintíl ki'ik liu, nst.) mak provável liuhotu atu enfrenta dezafius atu asesu ba medidas apoiu nian sira ne'ebé disponível.

9. **Komunikasaun kona-ba risku COVID-19** - Ida-ne'e maioria responsivu tebes ba respondente sira-nia nesidades. Governu TL iha parseria ho organizaun internasionál no naun-governamentál oioin halo komunikasaun ne'ebé luan kona-ba risku COVID-19 - kobre to'o ema sira ne'ebé iha áreas remota liu husi vizita no altofalante.
 - a. Ein jerál, **porsentu 90.7 husi partisipante sira hotu dehan katak sira simu informasaun ne'ebé oportuna ka kuaze oportuna**, porsentu 87.1 husi partisipante sira mak konkorda katak informasaun relasionadu ho COVID-19 ne'ebé sira simu ne'e fásil atu kompreende.
 - b. Nu'udar rezultadu, **porsentu 70.7 husi respondente sira informa katak sira fase sira-nia liman no porsentu 69.6 mak uza máskara**. Maske estatístikamente la'ós signifikante, feto barakliu mak hamenus vizita ba família, hela iha uma, mantén distánsia metru ida, no evita fatin públuku.
 - c. Utilizasaun ba métodos prevensaun oioin ne'e menus liu iha li'ur ba Dili, entre kuintíl ho rikusoin ki'ik liu no uma-kain sira ne'ebé vulnerável. Teste estatística nian hatudu katak uma-kain sira ne'ebé iha asesu ba bee-moos ne'e provável liu atu uza método sira ba prevensaun nian.
 - d. Uma-kain sira ne'ebé ho rikusoin aas liu no ema sira ne'ebé iha Dili mak provável liu atu hetan informasaun liuhusi média (Televizasaun, internét, jornál, no SMS), no uma-kain sira ne'ebé ho rikusoin ki'ik liu no mós ema sira ne'ebé iha li'ur ba Dili ne'e provável liu atu hetan informasaun diretamente husi ema seluk (liafuan husi ibun ba ibun, funsionáriu governu, no ONG sira).

- e. Iha total **porsentu 55.9 husi uma-kain sira iha estudu ida-ne'e nia laran mak observa katak laiha asesu ba bee-moos iha sira-nia uma**, ho Oecusse (83.6%) no Viqueque (71.4%) mak aparentemente iha uma-kain uitoan de'it mak iha asesu ba bee-moos.
 - f. Entermusde **Medidas no regra sira relasionadu ho COVID-19**, haree katak iha mensajen ne'ebé misturadu husi governu no polisia. Tuir informadór xave sira iha negósiu/empreza nian, polisia hateten direktamente ba EMKM balun katak sira tenke taka kompletamente durante EE, enkuantu balun sira-nia funsionáriu ka traballadór sira haruka fila tiha iha pontu revista polisia nian tanba iha ema nain mak sa'e lisuk motór ida.
10. **Servisus importante liu ne'ebé klasifikadu husi respondente sira** - Servisus tolu ne'ebé mak respondente sira sente satisfeito liu durante EE mak - **fornesimentu eletrisidade** (38% dehan katak servisu ne'e iha ona melloria), **operasaun polisia** (36%) no **seguransa/asisténsia sosiál** (22%). Servisu sira ne'ebé mak hetok sai aat liu ka hetan interrupsaun durante EE mak **merkadu ai-han nian** (35%), **transporte** (33%) no **edukasaun** (38%). Área rua ne'ebé mak respondente sira identifika nu'udar **servisus esensiál sira ne'ebé importante liu** (merkadu ai-han nian no forneshimentu ba bee hemu no bee hodi te'in nian) mós identifika nu'udar servisu sira ne'ebé mak hetan interrupsaun maka'as liu durante EE.
- a. Iha parte seluk, servisu seguransa/asisténsia sosiál (espesifikamente, transferénsia osan emerjénsia husi governu) ne'ebé porsentu 20 husi respondente sira temi nu'udar servisu esensiál ne'ebé importante liu ne'e klasifikadu katak iha ona melloria durante EE.
 - b. Iha diferensa ida entermusde servisus esensiál ne'ebé hato'o husi uma-kain sira ne'ebé vulnerável no la'ós-vulnerável. Uma-kain sira ne'ebé vulnerável prioriza melloria ba servisu sira seguransa/asisténsia sosiál nian (21.8% versus 9.9% entre la'ós-vulnerável) no forneshimentu ba bee-moos (33.2% versus 23.9%). Asesu ba merkadu ai-han nian ne'e nu'udar prioridade ida ba uma-kain sira ne'ebé la'ós-vulnerável (50.7% versus 29.7% vulnerável).
 - c. Interrupsaun iha servisu sira-ne'e bele hamosu **impaktu ne'ebé la proporsionál ba fetu no labarik-fetu sira** tanba sira-nia knaar iha merkadu sira, depende liu ba transporte públiku kompara ho mane sira no entermusde responsabilidade atu tau-matan bainhira eskola sira la funsiona no mós tanba fetu no labarik-fetu sira hala'o knaar prinsipál ida hodi ba kuru no halo jestaun ba bee iha uma-laran.
11. **Asesu ba servisus saúde – porsentu 14** (uma-kain 40) husi total uma-kain 284 ne'ebé iha oan ho idade tinan 10 mai kraik **mak la konsege hetan vasinasaun; porsentu 24 porsentu husi** uma-kain 156 ne'ebé iha fetu sira ho idade 15-49, mak **lakonsege uza servisus planeamentu familiár nian** ka servisus saúde reprodutiva; husi uma-kain 79 ne'ebé iha membru ida ho problema saúde (husi sira-ne'e 90% mak nu'udar uma-kain sira ne'ebé vulnerável), **porsentu 72 mak uza ona fasilidade saúde. Porsentu haatnulu resin-hitu husi partisipante sira mak hateten katak sira-nia uma-kain nia utilizaun ba servisus saúde ne'e aumenta ona** enkuantu porsentu sia de'it mak hateten katak diminui ona durante EE.
- a. Entrevista sira ho informadór xave la tuir vasinasaun no planeamentu familiár ka servisu sira saúde reprodutiva nian haktuir katak razaun sir abele inklui reutilizaun ba sentru saúde komunitária sira ba preparasaun hasoru COVID-

19, interrupsaun sira ba transporte públiku, restrisaun ba sirkulasaun, no falta iha máskara ba ema atu bele halo interasaun ho seguru.

- b. Nesesidade ba servisu saúde nian ne'e iha diferensa uitoan entre Dili no munisípiu sira seluk no entre uma-kain sira ne'ebé xefia husi feto no mane. Iha Dili, prioridade ne'ebé informa mak atu hadi'a medidas ba kontensaun COVID-19, hanesan hadi'ak facilidades kuarentena no kontrolu fronteira ne'ebé rigorozu liután, enkuantu iha munisípiu sira seluk mak aumentu iha disponibilidade ba EPP sira no estabesimentu ba facilidades saúde.
- c. Ba uma-kain sira ne'ebé xefia husi feto, aumenta disponibilidade husi ai-moruk no EPP sira, prestasaun ba servisu saúde liuhusi vizita ba uma no implementa programa saúde espesífiku ba grupu vulnerável sira mak importante liu.

12. **Servisu edukasaun** - Ein jerál, **porsentu 54.5 mak hateten kona-ba kontinuasaun ba oan sira-nia edukasaun bainhira eskola sira taka hotu** durante EE, enkuantu porsentu 44.5 mak dehan katak sira lae. **Razaun sira ne'ebé komún liuhotu ba labarik sira la kontinua sira-nia edukasaun mak 'espera katak labarik sira bele rekupera fali bainhira fila hikas ba eskola' (26.1%)**, tuir ba balun ne'ebé hateten katak falta materiál aprendizajen iha uma (20.8%) no laiha ema ruma mak bele ajuda labarik sira atu estuda (17.2%). Ba labarik sira ne'ebé kontinua sira-nia edukasaun, porsentu aas liu mak dehan katak sira estuda mesak/rasik (85%). **Ba labarik sira ne'ebé kontinua sira-nia edukasaun, persentajen aas liu mak dehan katak sira estuda mesak/rasik (85%)**, enkuantu akompaña programa edukasionál iha televizaun (28.4%), eskola iha uma (27.4%) no uza kursu/materiál online sira (21.6%) mak uza forma seluk hodi kontinua aprendizajen.

- a. Maioria (82%) husi uma-kain sira ne'ebé mak oan sira la kontinua edukasaun mak uma-kain sira ne'ebé vulnerável no un-tersu (32.5%) mak husi kuintil ho rikusoin ki'ik liu.
- b. Iha diferensa estatístiku ida signifikante entre uma-kain sira ne'ebé xefia husi feto no mane. **Labarik sira iha uma-kain sira ne'ebé xefia husi feto mak provável liu atu la kontinua edukasaun.**
- c. Proporsaun ida aas husi labarik sira husi uma-kain sira ne'ebé iha kuintil ho rikusoin aas liu, uma-kain sira ne'ebé la'ós-vulnerável no iha Dili akompaña programa edukasionál iha televizaun (Eskola ba Uma), asesu ba kursu no materiál sira iha online no halo ezersísiu ka traballu sira ne'ebé fó husi mestre sira no eskola ba uma.
- d. Bainhira husu kona-ba sira-nia atividades prinsipál mak saida durante EE, atividades komún liu ne'ebé sira hateten mak 'hela iha uma hodi estuda' (44.0%) 'hela iha uma hodi halimar' (24.4%) and 'hela iha uma hodi ajuda halo serbisu sira uma-laran nian' (23.4%). Maske ne'e indikativu de'it, proporsaun husi labarik sira ne'ebé ajuda halo serbisu sira uma-laran nian ne'e aas liu mak iha Oecusse (67.6%).

13. **Hahán no servisu sira relasionadu ho agrikultura** - la konsideradu esensíal iha âmbito EE ne'e duni hamosu ona interrupsaun boot iha funsionamentu merkadu agrikola nian no mós kadeia valór nian durante períodu EE, iha partikulár fulan dahuluk nian. Embora impaktu husi interrupsaun ida-ne'e ba iha ema nia konsumu ai-han ne'e kaptura parsialmente iha SEIA ida-ne'e (no levantamentu sira seluk), impaktu ba tempu kuda to'os no natar no kolleita tuirmai nian sei avaliadu.

14. **Servisu sira atu apoia meius subsisténsia** - Bainhira husu ba uma-kain sira kona-ba saida de'it mak nu'udar meius/forma prinsipál ne'ebé Governu **tenke** ajuda sira hodi sustenta sira-nia subsisténsia, **medida sira ne'ebé sita barak liu (hahán, bee hemu no bee hodi te'in, seguransa/asisténsia sosiál no fornimentu eletricidade)** mak hirak ne'ebé Governu TL foka daudaun ona no iha planu atu foka nafatin iha tinan balun oinma⁵.
- Ba *uma-kain sira ne'ebé xefia husi fetu*, medidas atu apoia **disponibilidade aihan** no programa sira ne'ebé espesífiku ba grupu vulnerável sira mak importante liuhotu enkuantu ba uma-kain sira ne'ebé xefia husi mane, fó apoia finanseiru mak krusiál liu ba sira no ema hirak ne'ebé prezisa ne'e mak krusiál.
 - Ba uma-kain sira ne'ebé vulnerável, uma-kain sira ne'ebé tama iha kuintíl ho rikusoin ki'ik liu no mós iha munisípiu sira iha li'ur ba Dili – medida sira hanesan 'had'ak servisu báziku sira no infraestrutura' (liuliu bee no eletricidade), **'fahé materiál konstrusaun atu halo uma**, no **'fó apoia ne'ebé destinadu ba grupu alvu sira'** mak hirak ne'ebé sira dehan importante liu.
 - Ba kuintíl ho rikusoin aas liu no uma-kain sira ne'ebé la'ós-vulnerável – medidas sira hanesan **apoia ba kréditu no empréstimu** no **had'ak prevensaun ba transmisaun COVID-19** mak hirak ne'ebé sira dehan katak importante.
15. **Servisus protesausn sosiál no pakote sira ba estímulo ekonómiku-** Programa transferénsia osan emerjénsia husi governu ne'e destinadu ba uma-kain sira **bazeia ba sira-nia nível rendimentu** (la'ós ba iha sira-nia atividade ka meius subsisténsia) ne'e duni laiha kréditu espesífiku ka pakote finanseira ba agrikultór ki'ik sira ka traballadór sira iha sektór informál nian. Grupu hirak-ne'e koñesidu katak partikularmente vulnerável ba xoke ekonómiku no tanba ne'e duni sira-nia seguransa ai-han ba prazunaru nian ne'e provável liu atu afetadu husi krize COVID-19 nian iha forma ne'ebé la proporsionál.
- Dadus husi governu nian subliña katak mane sira mak maioria nu'udar representante uma-kain nian (~80%) atu simu subsidiu ne'e, no ikusmai monitorizasaun hatudu katak rejistu ba uma-kain sira-ne'e esklui tiha fetu sira ne'ebé iha uma-mahon no ema sira seluk ne'ebé mak sira-nia autoridade lokál sira la rekoñese. Subsidiu sira tuir eskema protesausn sosiál nian sira seluk la hala'o durante prosesu transferénsia osan nian no análize adisionál sei hala'o daudaun hela atu monitoriza esperiénsia husi grupu oioin sira.
 - Governu TL mós anuncia subsidiu estraordinária ida ho valór porsentu 60 husi saláriu ba traballadór sira. Nu entantu, atu bele simu benefísiu hirak-ne'e, empregadór sira iha obrigasaun atu rejista iha Institutu Nasionál ba Seguransa Sosiál hodi dokumenta lista husi sira-nia traballadór sira ne'ebé hetan suspensaun ba kontratu ka hetan redusaun ba oras serbisu nian nune'e mós ho deklarasaun ida kona-ba veracidade husi informasaun ne'e. Nu entantu, benefísiu hirak-ne'e la'ós asesível ba empreza no traballadór kualifikadu hotu-hotu. Rejistu ne'e só bele halo iha Institutu Nasionál ba Seguransa Sosiál, ne'ebé iha Dili. Ema sira ne'ebé mak hela iha munisípiu sira seluk tenke halo viajen mai iha kapitál hodi rejista. Tanba barak mak hela iha áreas remota ka laiha kapasidade atu halo viajen, no mós tanba EE ne'e diretamente impoin

⁵ Rezolusaun Governu Nú. 12/2020 Ioron 31 Marsu - Polítika ba Redusaun Impaktu Ekonómiku Negativu no Rekuperasaun Ekonómiku Após Pandemia COVID-19.



restrisaun ba viajén doméstika nian, ida-ne'e nesesariamente impede ona benefisiáriu barak ne'ebé elejível atu goza benefísiu sira husi apoiu ida-ne'e

16. **Servisus protesaun** - Informasaun ne'ebé SEIA halibur kona-ba violénsia kontra feto no labarik-feto sira ne'e konsistente ho relatóriu sira ne'ebé karik laiha mudansa significante tanba barreiras ba asesu nian, maibé kompara ho nasaun sira seluk, iha possibilidade katak iha aban-bainrua, bele iha aumentu ida iha demanda ba uma-mahon emerjénsia no apoiu psikososiál ba sobreviventes abuzu doméstika nian.⁶

Servisus resposta nian ne'e tenki rekoñesidu nu'udar servisus esensiál no atribuidu ho rekursus atu mantén funsionamentu durante períodu rekuperasaun nian, tanba uma-kain sira enfrenta nafatin difikuldade ekonómiku no sosiál, ne'ebé sei kontribui ba violénsia doméstika, inklui violénsia hasoru labarik sira. Bazeia ba informasaun ne'ebé fornese husi membrus Grupu Traballu ba Jéneru no Protesaun, servisu esensiál sira ne'ebé sei funsiona nafatin atu fó apoiu ba sobreviventes husi violénsia bazeia ba jéneru nian inklui:

- **Uma-mahon 9** ba feto no labarik sira (inklui ema deficiente sira)
- **Fatin Hakmatek 5**, administra husi PRADET, finansia husi Governu Australianu liuhusi Nabilan, ne'ebé nu'udar "Balkaun Úniku/One Stop Shops" ho servisus kompletu, inklui hela-fatin temporária. Fatin Hakmatek sira lokalizada iha ospital referrál sira ne'ebé mak servisu Tribunál nian iha (Baucau, Dili, Suai, Maliana no Oecusse).
- **Asisténsia Legál** (fornese husi ALFeLa) iha munisípiu 5 (hanesan ho lokalidade sira iha leten)
- Informasaun kona-ba impaktu husi COVID-19 nian iha funsionamentu ba servisus governu nian hodi halo atendimentu ba sobreviventes violénsia (Unidade ba Ema Vulnerável sira, Ofisiál Protesaun Feto no Labarik sira, nst.) la disponível iha fulan Agostu nia rohan no sei sai hanesan área ida ba monitorizasaun iha aban-bainrua.

17. **Servisus sira ne'ebé presiza atu apoia EMKM sira** - Konsiderasaun sira ne'ebé hato'o husi EMKM sira mak **asisténsia finanseira** hanesan empréstimu ki'ik, subvensaun ka insumus agríkola nian sira seluk (atu sosa no prepara sasán sira ne'ebé sira presiza atu hahú filafali sira-nia negósiu); **loke fronteira** hodi halo importaun ba sira-nia suprimentus; **redusaun ba impostu** tanba perda iha rendimentu ne'ebé sira enfrenta; **komunikasaun ne'ebé klaru** kona-ba regra no matadalan sira atu asegura sidadaun sira no mós autoridade polisiál sira simu informasaun ne'ebé konsistente no hamenus preokupasaun husi parte empreza-na'in sira; no **mantén servisu esensiál sira inklui asesu ba merkadu ka métodu vendas alternativa hanesan lori direktamente ba comunidade sira**.

⁶www.unwomen.org/en/news/stories/2020/4/statement-ed-phumzile-violence-against-women-during-pandemic

Sé mak atualmente no posivelmente sei sai afetadu?

Ita konsege konstrui índise ida ba kuintíl rikusoin nian bazeia ba informasaun ne'ebé halibur ona kona-ba uma-kain sira-nia patrimóniu no propriedade/pose. Hodi uza ida-ne'e, ita bele analiza impaktu tuir kuintíl sira ne'ebé ho rikusoin ki'ik liu no mós aas liu. Rezultadus SEIA nian hatudu katak medidas EE ba COVID-19 nia ne'e fó ona impaktu negativu ba **kuintíl ho rikusoin ki'ik liu** iha área barbarak no medidas ba prevensaun COVID-19 nian ne'e to'o ona ba iha grupu sira-ne'e iha forma ne'ebé la proporsionál. Estudu ne'e hatudu katak uma-kain sira ne'ebé tama iha kategoria rikusoin ki'ik liu ne'e menus tipu oioin husi rekursus nian kompara ho kuintíl ho rikusoin aas liu - rekursu fiziku sira (kondisaun uma, laiha asesu ba bee), rekursus finanseira (laiha asesu ba poupança), rekursus umanus (entermusde edukasaun no empregu) no mós rede seguransa sosiál.

Uma-kain sira ne'ebé vulnerável (i.e. uma-kain sira ne'ebé pelumenus iha membru nain ida mak pertense ba grupu vulnerável ida spesífiku) sofre ona impaktu ne'ebé negativu. Aleinde ne'e, SEIA ne'e hatudu kondisaun prekáriu sira ne'ebé pré-ezistente ba grupu hirak-ne'e. Konsekuentemente, grupu hirak-ne'e nia status sósio-ekonómiku hetok bele sai agravadu liután ho medidas ba COVID-19 nian ne'ebé kombinada ho xoke eternu sira seluk hanesan xoke ambientál, interrupsaun ba servisu báziku sira no hetok sei sai marjinalizadu liutan. Vulnerabilidade sira ne'ebé mak deskobre iha SEIA ne'e mak:

- **Ferik sira-nia vulnerabilidade ne'e demonstra liuhusi sira-nia porsentajen ne'ebé aas liu nu'udar faluk:** entre fetu sira hotu ne'ebé ho idade tinan 65 ba leten, porsentu 63 mak nu'udar faluk, kompara ho porsentu 9.7 de'it husi mane sira.
- **Fetu sira ne'ebé sai xefi-família ne'e provável liu atu sai dezempregada ka inativu duké mane sira ne'ebé sai xefi-família.** Maizumenus porsentu 58.0 husi uma-kain sira ne'ebé xefia husi fetu sira-ne'e mak inativu kompara ho porsentu 43.5 husi mane sira.
- Observa katak maizumenus porsentu 3.5 husi populasaun (2834) ne'ebé entrevistadu ne'e mak iha kondisaun defisiénsia ida. Dadus hatudu katak ema sira ho defisiénsia ne'e barak mak inativu no la partisipa iha merkadu traballu. Iha kuintíl médiu nian, uma-kain barak mak iha ema ida ho defisiénsia (35.5%), enkuantu uma-kain sira ne'ebé riku ne'e iha membru menus liu mak ho defisiénsia ida ka liu.
- Iha levantamentu ne'e, rejista ema nain 207 ne'ebé ho idade tinan 60 ba leten (mane 44.1% no fetu 55.9%). Iha totál, maizumenus porsentu 35.9 husi uma-kain sira iha munisípiu ne'ebé sai amostra, iha ema katuas-ferik nain ida ka liu. Uma-kain sira ne'ebé mak iha ema katuas-ferik nain ida ne'e komún liu mak tama iha kuintíl ho rikusoin ki'ik liu kedas – ida-ne'e mak akontese duni iha porsentu 30.2 husi uma-kain hotu-hotu. Uma-kain sira ne'ebé mak iha ema katuas-ferik nain rua ne'e iha probabilidade boot atu tama iha kuintíl ho rikusoin ki'ik liu.

Iha maioria husi munisípiu lima ne'ebé inklui iha estudu ida-ne'e nia laran, televizaun (porsentu 67.5), koneksaun internét (porsentu 63.7) no motorizada (porsentu 61.6) mak nu'udar sasán sira ne'ebé maioria uma-kain sira iha. Propriedade iha uma-laran nian la disponível, maibé estudu sira anterior nian hatudu kona-ba disparidade jéneru no fetu sira iha asesu menus ba sasán sira-ne'e. Nu entantu, iha variasaun ida significativa entre munisípiu sira, no **Uma-kain sira iha Dili mak maioria iha sasán sira-ne'e.** Ho televizaun porezemplu, porsentu 81.5 husi uma-kain sira iha Dili nian iha ida, enkuantu ida-ne'e representa un-kuartu de'it (porsentu 25.6) iha Oecusse.

Avaliasaun ne'e mós revela vulnerabilidades subjacente ne'ebé asosiadu ho lokalizasaun. Deskobre katak uma-kain no EMKM sira ne'ebé lokalizadu iha munisípiu sira iha li'ur ba Dili ne'e

hetan impaktu ne'ebé maka'as liu duké sira ne'ebé iha Dili iha maioria husi aspetu sira sósio-ekonómiku nian (entermusde simu servisu sosiál no subsídiu oioin husi governu, informasaun no mós materiál no ekipamentu sira ba prevensaun nian, menus infraestrutúra báziku no bee, saneamentu no ijiene ladún uza facilidades ba fase limana, auto-izolamentu no kuarentena partikularmente sei difisil tanba menus espasu/fatin, bee, rekursu no servisu sira'. Hanesan aviza ona iha Enkuadramentu ONU ba Resposta Imediata Sósio-Ekonómiku nian ba COVID-19, krize ne'e sei agrava liután dezigualdade iha ambiente sira ne'ebé vulnerável, inklui área rurál sira.

Governu nia Diresaun Munispál sira-nia medidas no asaun kontra COVID-19

Iha akordu jerál ida entre autoridade sira katak Timor-Leste implementa ona resposta ida ne'ebé atende ba nesesidades imediata, hanesan kontensaun ba COVID-19 hodi labele nabelar bá-mai, responde ba nesesidades subsiténsia comunidade nian, no loke hikas fali atividades ekonómiku iha rai-laran. Maibé, nível preparasaun hasoru COVID-19 nian ne'e diferente durante EE sira dahuluk, daruak no datoluk nian, liuliu tanba falta iha preparasaun durante EE dahuluk.

Medida sira ba resposta imediata ne'ebé organizaun governamentál sira foti, inklui:


1. **Koordenasaun no assisténsia** - Governu TL imediatamente kria Grupu Traballu (Task Force) sira entre Governu Sentrál no Administrasaun Munispál atu fahe informasaun no aseguara aplikasaun ba medidas prevensaun no protesaun nian iha território nasionál tomak. Estabelese mós grupu koordenasaun oioin entre governu munispál no organizaun sosiedade sivíl sira atu identifika ema vulnerável sira no mós atu aseguara katak bens no servisu esensiál to'o duni ba populasaun maske iha área sira ne'ebé remota liu. Kooperasaun entre governu no organizaun sira aumenta durante EE, liuliu ho Grupu Traballu (Task Force) sira ne'ebé kria ona atu define estratéjias no fahe informasaun no atividades hodi fó apoiu ne'ebé di'akliu ba comunidade sira.
2. **Komunikasaun kona-ba risku COVID-19** - Diresaun munispál sira no entidades estadu nian sira seluk mak responsável ba diseminaun informasaun iha comunidade sira kona-ba prevensaun no kontrolu ba COVID-19 no mós atu aseguara aplikasaun ba medidas EE ne'ebé Governu fó-sai ona. ONG lokál sira ne'ebé serbisu iha nível baze nian bele ajuda duni iha atividades sira sensibilizasaun ba comunidade nian, inklui grupu vulnerável sira.
3. **Orsamentu no finansiamentu** - Durante EE, Governu nia diresaun munispál sira hasoru difikuldades boot atu finansia atividade sira relasionadu ho COVID-19 tanba iha hela orsamentu duodésimu no mós atrazu iha distribuissau / prosesu ezekusaun medida sira ba COVID-19 nian. Entre organizaun sira ne'ebé entrevistadu, maioria mak la simu tan ona apoiu finanseiru ruma durante EE.
 - a. Ba maioria ONG lokál sira, laiha finansiamentu durante EE ne'ebé difikulta sira atu kontinua serbisu ho comunidade sira.
 - b. Ba ONG Internasionál no ONG lokál sira ne'ebé simu finansiamentu husi ajénsia internasionál sira, sira bele konsege kontinua sira-nia funksionamentu. Maioria husi organizaun sira kontinua hala'o sira-nia programa hodi adopta restrisaun no adaptasaun balun haktuir ba medida sira ne'ebé implementa husi governu, uitoan mak tenke hapara ka kansela sira-nia programa balun.
4. **Dijitalizasaun no teknolojia** - COVID-19 hafó oportunidade ida atu inisia forma transformasionál hodi halo serbisu liuhusi interrupsaun dijital sira.

- a. Entermusde ajénsia públika no naun-governamentál sira ne'ebé entrevistadu ba SEIA, teknolojia dijitál ne'e prinsipalmente utiliza de'it ba fins komunikasaun no treinamentu remota sira. Maioria husi ajénsias governamentál no ONG sira uza mak Whatsapp no Facebook nu'udar meius ba komunikasaun no organizasaun internasionál balun uza ona Zoom. Sesaun treinamentu barak (prinsipalmente treinamentu sensibilizasaun COVID-19 nian) ba funcionáriu governu no ONG nian ne'e realiza liuhusi vídeokonferénsia no konferénsia online sira. Nu entantu, respondente sira haktuir katak efetividade husi treinamentu hirak-ne'e ladún aas.
 - b. Respondente sira (Klls) la temi kona-ba esforsu no iniciativa notável sira iha introdusaun ba servisus dijitál nian (hanesan pagamentu dijitál) iha servisus públiku prinsipál sira.
 - c. Respondente sira temi kona-ba barreiras balun iha introdusaun ba interruptsaun dijitál sira iha governu nia laran - falta lideransa, vontade, menus koñesimentu informátika liuliu entre funcionáriu sira ne'ebé katuas ka ferik ona, limitasaun iha ekipamentu, no kobertura internét ne'ebé fraku iha área rurál sira mak sai hanesan dezafius prinsipál.
5. **Parseiru no ONG sira-nia knaar** - Maioria husi EPP ne'ebé uza diretamente no/ka distribui husi governu munisipál sira-ne'e nu'udar kontribuisaun husi organizasaun ka ajénsia lokál no internasionál sira. Relasaun ne'ebé besik ka di'ak entre ONG sira no comunidade lokál sira tulun duni governu atu alkansa porsaun boot ida husi populasau nian.

Sumáriu ida-ne'e subliña informasaun xave ne'ebé fornese husi respondente sira no revela vulnerabilidades subjasente ne'ebé populasau no EMKM sira enfrenta. Tomadór-desizaun nian sira bele uza SEIA hodi informa kona-ba prioridades polítika sósio-ekonómiku ba prazu-badak no médiu nian no mós alokasaun orsamentu husi liña ministeriál no munisípiu sira. Programa sira ne'ebé sentradu ba ema hanesan osan ba serbisu, assisténsia alimentár, programa sira merenda eskolár nian, investimentu sira iha bee no saneamentu no mós servisus protesau ba ema sira ne'ebé vulnerável liu ne'e tenke konstitui Governu nia prioridade iha tinan sira oinmai.

Importante mós atu enfatiza katak medidas pontuál no solusaun rápida sira-ne'e sei fornese de'it alíviu temporáriu; enkuantu programa sira ne'ebé dezeña ho di'ak, kompleksu no médiu-prazu nian ba redusaun kiak, saúde, edukasaun no adaptaun klimátika ne'e presiza duni atu proteje populasau husi impaktu prazu-naruk husi pandemia ne'e, no mós atu tulun nasaun ne'e hodi harii reziliénsia no auto-sufisiénsia husi laran. Efeito sira ne'ebé aat liu husi COVID-19 nian ne'e bele minimiza se bainhira lideransa iha nasaun ida-ne'e nian komprometidu ba kontratu sosiál foun ida no implementa programa komprensivu sira ne'ebé hateke ba oin atu hasoru pontu infleksaun sira ne'ebé krítiku hodi hasai populasau husi armadilla ka lasu pobreza nian sira ne'ebé multidimensionál.





NASOINS UNIDAS
IHA TIMOR-LESTE, 2020